

Na osnovu Zakona o zaštiti i dobrobiti životinja ("Službeni glasnik BiH", broj: 25/09), Zakona o veterinarstvu Federacije BiH ("Službene novine Federacije BiH", broj: 46/00), te na osnovu Zaključka Vlade Kantona Sarajevo broj: 02-05-22359-7/16 od 30.06.2016. godine, i Zaključka Vlade Kantona Sarajevo broj: 02-05-23810-25/16 od 21.07.2016. godine, potpisnici sporazuma

1. **Kanton Sarajevo, Ministarstvo privrede** sa sjedištem u ulici Reisa Džemaludina Čauševića broj 1. u Sarajevu, kojeg zastupa ministar mr.sci. Haris Bašić

i

2. **"Veterinarska stanica Novi Grad" d.o.o. Sarajevo**, sa sjedištem u ulici kojeg zastupa direktor Mirsad Osmanović

zaključili su u Sarajevu dana 09.07.2019. godine

SPORAZUM O SARADNJI

Član 1.

Predmet ovog Sporazuma je regulisanje međusobnih prava i obaveza sporazumnih strana pri realizaciji aktivnosti uklanjanja pasa lotalica i pasa bez nadzora vlasnika na području Kantona Sarajevo, u skladu sa Zakonom o zaštiti i dobrobiti životinja ("Službeni glasnik BiH", broj: 25/09), te na osnovu Zaključka Vlade Kantona Sarajevo broj: 02-05-22359-7/16 od 30.06.2016. godine, i Zaključka Vlade Kantona Sarajevo broj: 02-05-23810-25/16 od 21.07.2016. godine.

Član 2.

Sporazum se zaključuje na period od 6 (šest) mjeseci, te će se poslovi iz člana 1. ovog Sporazuma obavljati u periodu od 01.07.2019. godine do 31.12.2019. godine.

Član 3.

Potpisnici sporazuma su saglasni da "Veterinarska stanica Novi Grad" d.o.o. Sarajevo obavlja poslove propisane Pravilnikom o osnivanju i uvjetima koje moraju ispunjavati higijenski servisi ("Službeni glasnik BiH", broj: 27/10).

Član 4.

"Veterinarska stanica Novi Grad" d.o.o. Sarajevo se obavezuje:

- a) da ustupi slobodne kapacitete smještaja za pse koje uhvati i preda KJKP "RAD" d.o.o. Sarajevo, te da izvrši veterinarsku obradu svih predatih pasa postupajući u skladu sa Zakonom o zaštiti i dobrobiti životinja ("Službeni glasnik BiH", broj: 25/09);
- b) da vodi detaljnu evidenciju o prijemu, obradi pasa i postupku sa istim;
- c) da sve eventualne leševe pasa predaje isključivo KJKP "RAD" d.o.o. Sarajevo;
- d) da podnosi dnevni i mjesečni Izvještaj o izvršenim uslugama po ovom Sporazumu;
- e) da ispostavlja mjesečnu fakturu o izvršenim uslugama, a u skladu sa cijenom iz člana 6. ovog Sporazuma;
- f) da na zahtjev resornog ministarstva omogući uvid u dokumentaciju i pregled poslovnih prostorija za smještaj pasa.

Član 5.

Nadzor nad radom "Veterinarske stanice Novi Grad" d.o.o. Sarajevo, u okviru aktivnosti iz ovog Sporazuma, vrši Ministarstvo privrede Kantona Sarajevo.

Član 6.

"Veterinarskoj stanici Novi Grad" d.o.o. Sarajevo, za izvršenje usluga po osnovu ovog Sporazuma pripada pravo na naknadu u skladu sa obimom obrađenih pasa i to:

- 1) smještaj psa u prihvatilište, na 10 dana, 7,00 KM po danu, ukupno po psu 70,00 KM;
- 2) trokratni pregled i eutanazija po psu ukupno 60,00 KM;

Uplata će se vršiti putem bankovnog računa Veterinarske stanice Novi Grad d.o.o. Sarajevo, otvorenog u

Član 7.

Ministarstvo privrede Kantona Sarajevo se obavezuje da u skladu sa Zaključkom Vlade Kantona Sarajevo broj: 02-05-23810-25/16 od 21.07.2016. godine, obezbjedi finansijska sredstva za realizaciju ovog Sporazuma, te da po osnovu Izvještaja o izvršenim uslugama i dostavljenom mjesečnom fakturom od strane "Veterinarske stanice Novi Grad" d.o.o. Sarajevo, izvršava uplate po istom.

Član 8.

Sporazumne strane su saglasne da će sve eventualne međusobne nesuglasice rješavati sporazumom, a u slučaju nemogućnosti takvog načina rješavanja, spor će rješavati stvarno nadležni sud u Sarajevu.

Član 9.

Ovaj sporazum je sačinjen u 4 (četiri) istovjetna primjerka od kojih po 2 (dva) primjerka pripadaju svakoj strani.

Član 10.

Sporazum stupa na snagu danom potpisivanja od strane ovlaštenih lica sporazumnih strana.

"Veterinarska stanica Novi Grad"
d.o.o. Sarajevo u Sarajevu


KANTON SARAJEVO
Ministarstvo privrede

~~DIREKTOR~~

~~Mirsad Osmanović~~

Broj 61/19 2019.

Datum: 09.07.2019. godine



Datum: 09.07.2019. godine